



Broj:01-2-1243/15
Sarajevo, 03.04.2015. godine

MEDIJIMA

Predmet: Saopćenje za javnost

Lizing sektor Federacije BiH u 2014. godini

Poslovanje lizing sektora u Federaciji BiH već duži period odvija se u uslovima djelovanja finansijske i ekonomske krize koja je uticala i na usporavanje i stagnaciju poslovnih aktivnosti lizing društava u prethodnim periodima poslovanja, kao i u toku 2014. godine. Relativno slab početak sa smanjenim brojem novozaključenih ugovora je zamjenjen blagim rastom u drugom i trećem kvartalu 2014. godine, dok je četvrti kvartal obilježen ponovnim padom novozaključenih ugovora.

Bilansna suma lizing društava u FBiH na dan 31.12.2014. godine iznosila je 498.432 hiljade KM, što je za 79.669 hiljada KM ili 13,78% manje u odnosu na 31.12.2013. godine. U periodu od 01.01. do 31.12.2014. godine djelatnost lizinga u FBiH kao rezultat poslovanja je ostvarila gubitak u iznosu od 12.996 hiljada KM.

Šest lizing društava registrovanih u FBiH obavlja poslove lizinga u 20 podružnica, od kojih se 16 podružnica nalazi u Federaciji BiH i 4 podružnice u Republici Srpskoj.

U lizing društvima je na dan 31.12.2014. godine bilo ukupno 130 zaposlenih.

Ukupna aktiva sektora lizinga u FBiH na dan 31.12.2014. godine je iznosila 498.432 hiljade KM, što je za 79.669 hiljada KM ili 13,78% manje u odnosu na 31.12.2013. godine.

Struktura aktive sektora lizinga na dan 31.12.2014. godine je sljedeća:

- neto potraživanja po osnovu finansijskog lizinga iznose 323.400 hiljada KM ili 64,88% od ukupne aktive sektora,
- potraživanja po osnovu zajmova-kredita 56.947 hiljada KM ili 11,43% od ukupne aktive sektora (kreditni odobreni prije stupanja na snagu Zakona o lizingu),
- neto vrijednost predmeta lizinga u operativnom lizingu u iznosu od 27.257 hiljada KM ili 5,46% od ukupne aktive sektora i
- ostala aktiva u iznosu od 90.828 hiljada KM ili 18,22% od ukupne aktive sektora.

Obaveze po uzetim kreditima na 31.12.2014. godine i dalje predstavljaju dominantnu poziciju u strukturi ukupne pasive lizing društava (90,62% od ukupnog iznosa bilansne sume). Usljed smanjenih poslovnih aktivnosti lizing društava ukupne obaveze po kreditima na dan 31.12.2014. godine smanjene su za 68.959 hiljada KM ili 13,25% u odnosu na 31.12.2013. godine. Od ukupnog iznosa obaveza po uzetim kreditima, 416.441 hiljadu KM ili 83,55% se odnosi na dugoročne obaveze.

Ukupni kapital lizing društava je na dan 31.12.2014. godine iznosio 34.756 hiljada KM. U poređenju sa 31.12.2013. godine, navedena pozicija je manja za 1.206 hiljada KM ili 3,35%.

Na nivou sektora lizinga u periodu 01.01. do 31.12.2014. godine ostvaren je gubitak u iznosu od 12.996 hiljada KM, od čega se 8.184 hiljade ili 62,97% odnosi na jedno lizing društvo.

URED ZA INFORMISANJE FBA